

Filemon

¹Kristo Yesuac hésa ic ni Paulo zéma ninzéh ninzéhac ic munana Timoteo nereh ic ala soroc, ai momacnira Filemon zéma ²embac soroc, ninzéh ninzéh nauhnira Apia zéma Yesuac téngih ic^a momacnira Akipo zéma Filemon guac amaiguc hénaroh azoroanzu ionac muru momacnec ³Manhocnina Anutu zéma Miñ Kewunina Yesu Kristoac ewa hia zéma luaenéh onac muru he énécmimac.

Filemonac goi héihéiya zéma ninzéh ninzéh.

⁴⁻⁵Filemon, ni ninzéh ninzéhga zéma goi héihéiga Miñ Kewunina Yesuac muru zéma ic téréya momac yanda neñah muru hezac imuac buña surucya niñanzua. Nimma nalé séc zéwelecnaiguc qacga qacma Anutuna ewa hia ac ézéanzua. ⁶⁻⁷Ic muna, geh ic embac téréya ewa qerigina mehiaru énécmianzah imuac niñac guac goi héihéiga iminéñ ewa qerina mehiaru néñu ségiségi yanda wanzua. Hénia imuac mia yomuhuc zéwelec ai meanzua; Iwawai hiabia hénia hénia ewa qerinaiguc Kristoac wamma késa kecziñ imi niñasari yacgéna, goi héihéiga ninzéh ninzéhga igucnec hahaya iminéñ héla sasala haimac.

Paulonéh Onesimoac wamma Filemon zéwelecmiyec.

⁸Imuac niñac, Kristoac qeriaiguc haka wambésémañac hezac imi wambésémañ niñac meefima ac selianec gézémañac séc wanzac, néñ ⁹imuhuc ménda wamma goi héihéiiguc namma zéwelec gémmañ zé wanzua. Imuac, ni ic neñgia Paulo, Kristo Yesuac wamma hésa ic kekeranéñ ¹⁰nuac ninzéh ninzéhac nanna Onesimoac niñac welecgénzua. Inéh mia ni hésa qatéiguc tari imuaru nenaoc azi mema mihicñiwa ninzéh ninzéhac nañna wañec. ¹¹Ic imi becneç guac muru enomia kerec, néñ deguc imi guac muru zéma nuacmuru momacnec méra nérécmimacac séc wañecac keczac. ¹²Nuac wéiwécna keczac ic yomi méliwa liliñgéma hazac. ¹³Ic imi nena añgétiwineç buña suruc hiabia

^a 1:2 Kristoac hénaroh imi téngih ic ésécneç Biria miñinaguc yaré qema seligima nambijac hezac.

niŋac wamma hésa qatéiguc tacba guac tatac késama méra némbacnec, ¹⁴néŋ ewa momac ménda wambésémaŋiguc haka ménŋ ménda wammaŋ zé niŋzua. Ewa hiawac aiganéŋ geŋga siŋgawac qahac, néŋ zéhinociguc wambaŋ niŋac. ¹⁵Ic imi nalé hotoŋadac waigémma kerec imuac hénia imi, liliŋgéma hayu hémbénaŋa wagicbésémaŋ niŋac gezaŋ. ¹⁶Degucmuacnec, ic imi welerŋ qeŋe ic qahac, néŋ séha imi ogicma dacmunawac séciguc wagicbésémaŋ. I nuac muru eeyaguc wanzac, néŋ guac muru mia séc imi ogicma séwiguc zéma Miŋ Kewuninawac qeriaiguc ic héla zéma dacmuna hélawac séc eeyaguc wammac.

¹⁷Gi nuac niŋ niŋna ai momacga wanzuaiguc, héihéré néŋanzaŋa éséc héihéré miwésémaŋ. ¹⁸Inéŋ guac muru haka biria ménŋ waŋec, me taséya ménŋ hegénzaciguc imi nuacmuru haina nenaoc bisidacmaŋ. ¹⁹Ac teteŋgia yomi imi Paulo neŋ mérananéŋ ozua. Nenaoc tasé imi kumaŋ. Geŋga kekeŋga iminéŋ nuac muru tasé ésécnec wanzac, néŋ imuac hénia imi ménda zéwa niŋ qeliwésémaŋ. ²⁰Ic muna, Miŋ Kewuninawac qeriaiguc guac murunec ewa hia mihicŋimaŋ zé niŋzua. Kristoac qeriaiguc nuac ewa qerina mehiaruna.

²¹Niŋtoho waŋ némbésémaŋ zéma niŋzénŋgé gémba ewana déŋ wanzac. Welecgénzua imi séha ogicma ewa hiawac waŋ némbésémaŋ imi niŋteŋgicma kiwi yomi ogénzua. ²²Imuhuc wamma nuac niŋac ama qeria saméŋa ménŋ qeusuŋna nammac. Imi mia zéwelecgina niŋac wamma niŋnéŋu onac muru liliŋgéma hamaŋ niŋac qerinanéŋ haimambéc wanzua.

²³Yesu Kristoac qeriaiguc nuac hésa ic alana keczac Epafira inéŋ yaizézégina zézac. ²⁴Waŋu Mareko zéma Aristako zéma Dema zéma Luka zéma nuac ai momachécna ieneŋ acguc imuhucyanec waŋ énécmizu. ²⁵Miŋ Kewunina Kristo Yesuac ewa hianéŋ qeri uŋaginaguc hemac.